

旅大文獻徵存補遺

拙編旅大文獻徵存未載災異之事去秋省革委會地震辦公室關心民瘼搜集地震資料且謂余曰地震者乃千百萬人民生命財產所攸關方今世界各國莫不努力此項工作探索震源之爆發保持人物之安全對於古今被災區域震動狀況皆須分明記載進行精密研究誠今日刻不容緩之重要事業焉可缺耶余韙其言獲得地震資料二十六則上諭奏議各三軼事十四補遺於此後有所得當再續補焉
癸丑春三月七十一叟孫寶田識

文補

晉惠帝元康二年遼東地震

遼應歷二年十一月己巳遼東地震

金天春三年十二月丁丑遼東地震

元大德五年遼陽開原蓋州等處地震水蝗風雹害稼

禾沒田廬損人口 按元初金州屬遼陽府蓋州路

明弘治六年癸丑金州地震 見弘治實錄七十一卷一頁

明嘉靖五年丙戌金州地震 見嘉靖實錄六十三卷九頁

明嘉靖二十七年戊申金州地震 見全遼志四卷

明萬曆十六年戊子金州地震 見萬曆實錄二百零六卷十頁

明萬曆三十七年己酉遼東地震 見萬曆實錄四百五十八卷十頁

清康熙二十八年己巳遼東地震

清咸豐五年乙卯十一月金州地震

每震有聲自西北來繼則屋宇擺動城垣崩裂房屋坍塌五百六十七間人皆露宿明年正月乃已震至四十四次歷斃男婦子女七人

清咸豐六年丙辰正月金州地震

北京科學院地震物理研究所地震目錄記載

清咸豐十一年辛酉六月金州地震

震動二十餘次房屋坍塌六百四十間斃二人傷八人

清光緒三十三年丁未大連地震

清光緒三十四年戊申大連地震

見支那礦業實報七五号

民國五年丙辰大連地震

民國十一年壬戌大連地震

民國十二年癸亥大連地震

文補

二

民國十三年甲子大連地震

民國十四年乙丑大連地震

民國十九年庚午大連地震

見世界日報三版金城鄉地震自西北來

民國二十年辛未大連地震

見盛京日報

民國二十一年壬申大連地震

見滿洲日報

民國三十二年癸未大連地震

見滿洲礦業談叢六十九頁

按日本出版新聞雜誌所載大連地震包括金州一帶

一九六七年丁未夏金縣地震 是日黎明微震自西北來

一九六九年七月十八日農曆己酉六月初三日午後

一點二十七分鐘金縣旅順大連地震由北南南強震

咸豐六年二月丙辰上諭內閣奉天金州地方於上年十一月十二月連次地震以致城垣垛口有坍塌段落並震倒旗民住房多間均係散處各村屯一二間至數十間不等並未有大損傷所有鑲黃旗等四旗界內震倒旗民各戶住房五百六十餘間著照例給予修費仍令該旗民地方官要為安置惟該州地震既稱於去歲十一月初三日起至十二月十二日止何以遲之至今始行入奏殊屬不知緩急此後有無復震並毗連處有無震歷情形著即隨時奏聞

咸豐實錄一九一卷二八頁

咸豐六年四月辛丑上諭內閣上年冬間奉天金州地

文補

三

震曾經降旨該處坍塌旗民房屋給予修費並着地方官妥為安置毋令失所茲據奏稱金州城方正月至三月間續報地震雖未歷傷人口而城垣居房均有震壞所有震倒旗民住房四十五間着一體給予修費其城垣工程歸入報部工程案內辦

咸豐實錄一九五卷一七頁

咸豐十一年九月甲午上諭內閣奉天金州地方於本年六月間連次地震以致城垣垛口有震落數段並震倒旗民住房多間歷傷人口雖據奏稱各戶住房係屬散居並未大有損傷所有正黃旗等四旗界內震倒旗民各戶住房六百四十間著照例給予修費

咸豐實錄

咸豐六年 月二十二日盛京將軍承志等奏前據金州協領同知等詳報該城於上年十一月初三日酉時起至亥時止地震三次初四日寅時起至午時止大震三次又十二月初一日亥時起至十二日申時止逐日地震一二次三五次不等先後統計共震四十四次以致城垣南北西三面城垣垛口被震劈倒五段等情呈報前來伏思金州城垣墻垛口既經震倒所有四鄉居民恐有震倒房間壓斃人口情事亟應詳查再復州與金州壤境毗連有無地震情形亦應一併飭查當經劄飭詳查去後據茲復州旗民地方官員呈報上年十一

文補

四

月初三日戌時起至丑時止地震三次十二月初一日戌時地震二次初四五六等三日地皆震二三次不等城鄉居民房間並無震倒情形惟金州旗民地方官報稱該城南北西三面城垣垛口被震劈倒二十垛城墻劈倒二處湊長共計十五丈餘並派員查明鑲黃正黃鑲紅鑲藍等四旗界內旗民各戶住房共被震倒五百六十七間壓斃男婦子女共七名各等情形造冊結報前來詳查金州城垣前據委員等逐年查報均有膨裂坍塌情況當經咨明工部在案今此次震裂城垣五段自應歸入歷年報修城垣工程案內報部辦理至旗民各

戶住房雖震倒五百六十七間乃係散處各城屯或一二間或三五間至十數間不等通共計算湊有此數並非一處均在金州西北一帶距城三五里十數里等處且地未震之時先聞有聲如雷故該處旗民早已預防俱各走避出屋是以未經壓斃多人只傷男婦子女共七名惟被災之區實屬可憫竊查金州地方疊次地震雖無大有損傷第一月有餘震至四十四次之多為二百年來未有之事是以災異情況未敢壅於上聞故宮檔案咸豐六年四月初六日盛京將軍承恩等奏金州等處續行地震當即飭令金州旗民地方官將旗民各戶妥

文補

五

為安置並將震倒房間由盛京戶部銀庫照例給予修費俾有棲止仍飭查該地方於上次查報後有無復震情形其毗連處所有無震壓之處令其據實查報茲據接壤之復州旗民地方官查報該城本年三月初六日巳時地震一次聞有微聲周圍城垣城樓及城鄉民房並無震倒之處惟據金州旗民地方官詳報該城自本年正月初二日至二十八日地震二十二次二月初四十六二十七等日地震三次三月初六日午後地大震有聲同時連震三次震劈城垣垛口牆皮七段湊長十二丈旗民居房震倒四十五間並無壓傷人口初七日

至十八日地震九次較前甚輕各等情結報前來伏查
金州地方疊次地震所有此次震劈城垣請照前奏歸
入歷年報修城垣工程案內年終報部辦理其震倒民
房四十五間亦照例一體給予修費以示體恤故宮檔
咸豐十一年六月十二日亥時金州地勢忽震先曾聞
有聲息嗣即屋宇搖撼或一日數次或間日一次輕重
不同計至二十二日亥時共震二十餘次將該城西門
邊北裏面城墻震劈一段又甕圈塚口震倒一面當查
得各界村屯地震輕微尚未倒塌房間惟正黃旗界內
台子山溝九村屯倒塌民房五百餘間壓斃女孩二口

文補

六

壓傷男子八名正白鑲紅正藍等三旗界內震倒民房
八十餘間共旗民房八百五十一間金州城裏面城墻
倒劈一段上下長三尺餘寬二尺餘西門外甕圈塚口
倒壞一箇隨赴被震處所詳細復查倒塌房間傷斃人
口均与原報相符惟旗民房間屋宇墻垣全行倒壞者
六百四十間其餘墻垣雖已傾圮而梁棟相連情況較
輕者二百十一間故宮檔

明崇禎二年六月平遼總兵毛文龍死於旅順雙島灣
靈柩運回錢塘安葬閱前人筆記謂船到江心遇颶風
折回後見陳文述字雲伯清嘉道間人積慶山在錢塘弔毛文龍詩

云其遺骸歸葬故里金州城南蘇家屯毗連毛家營子亦有毛文龍墓墓在村中蓬蒿蔓草浩漫荒邱墓前有石碣為清光緒間銘軍駐大連灣時修墓所立塚中是否埋骨柳或衣冠墓則不得知矣

光緒二十年甲午中日戰爭是年十月初七日午前敵軍佔金州城北十三里台子東南高地破頭山附近準備進攻又敵人先頭部隊到破頭山對面高岡上初八日敵軍第一大隊侵十三里台子南方高地其第二大隊開始進攻破頭山則知破頭山為中日兩軍爭奪之地俱載文獻卷三查破頭山地名志乘弗載詢問鄉人

文補

七

罕有知者前歲市革委會為証實此項材料幾經調查終於訪得野老云破頭山即抱子溝山岡當年日寇侵旅大時楚軍總兵徐邦道抗戰拒敵曾到此山視察陣地山南接連石門子為中日兩軍最後激烈戰場今以地形考之洵然

劉世宦家居金州城內聖廟街路西與子玉珍玉珠以鍛冶營生設鐵匠爐於東街路南光緒二十年十月初九日州城陷日寇入城疑清軍於城外暗埋地雷縛世宦父子迫令出城踐踏世宦恥為強敵効力玉珍與之格鬪日寇怒擊斃之復將玉珠羈押數日始放回家人

惴惴恐再遇害玉珍有女名翠子年及笄許配秦氏不
甘受辱毅然赴井以全貞節當時無人為之表章是以
湮沒無聞不得與曲氏并並傳王竹吾太守有曲氏井
題詠歌頌曲氏一門婦
節事嗟呼劉氏賢媛一烈二貞英靈不泯雖死猶生視
被曲氏何讓耶今距其死節之歲八十星霜聞其家人
話及輒泚筆記之俟他日采風者采焉

趙永口金州城南小孤山人與子乾泰備於南門外高
家窰甲午戰敵軍入城高家男子遁匿乾泰又於先日
回家敵兵搜索高家并欲汙其婦女永口竭力維護竟
遭慘殺

文補

八

甲午十月二十二日倭軍入南關嶺窺旅順其軍闖
入村民闔世闔家闔弟世闔見寇來急遁去以女託其
嫂寇見女生淫心拖抱欲汙之闔妻覩狀情急於竈旁
拾掬灰把奮擊寇手腕寇痛鬆手女乘間脫去寇拔刺
刀向闔妻頭上斫之昏迷倒移時始甦驚惶成疾呻吟
床第間逾歲而卒

甲午之役倭軍侵入後關屯路過前關屯人薛安仁捉
獲盤問是否逃兵嗅其衣服有無彈藥味安仁言語不
通以筆寫商人二字獲釋安仁行數步懼而急馳倭軍
舉槍擊斃之

前闕屯居民楊天口天和弟天和與族兄天口年逾古稀比鄰而居甲午戰時倭軍侵入該屯向農家搜括兩家老叟無故被戕

甲午中日戰役敵軍入金州城因滿清官吏多是旗人仇視之輒入民宅搜索旗民婦女服裝易於識別故旗籍婦女易裝匿民人家中每聞敵兵來則面色嚇如黃土不幸被識出即遭非命敵軍又在街衢盤詰行人遇男子驗其手足胼胝認為工農即釋之如手掌潤澤疑為官吏則拘之一日西街永盛慶商店經理畢永慶恐其同事杜翁來店途中被詰親往杜宅告之囑勿

文補

九

出門以避兇焰而歸途遇敵拘去羈數日敵兵押所拘商人數十名驅赴南門外路經硯池河一人懼而投河敵兵以刀刺之行里許又斃數人餘者釋回此畢翁身所經歷為余言者

光緒二十二年西曆一八九六年五月俄皇尼古拉二世加冕俄國駐華公使喀西尼要求清廷派李鴻章為專使授以訂約特權鴻章抵森彼得堡後俄人為避免外人注目不以外務大臣出面而使其大藏大臣維持與鴻章暗訂中俄密約十一條其第十條云旅順大連灣不得割讓與他國及遇必要時俄國得駐兵此不啻

為後二年俄艦駛入旅順口強租旅大之預約券其初
總理衙門如恭親王等尚反對之而喀西尼運動慈禧
太后心腹使光緒帝不得不予以批准嗚呼廊廟無人
宮闈專政俄人貪婪狡獪既威脅又行賄是其一慣伎
倆秉國鈞者不悟甘墜其術中痛哉

光緒二十五年俄人既佔旅大修築南滿鐵路自大連
至長春凡一千四百華里別築支綫自大連至旅順凡
一百華里其間金州城東石門子泉浚水深艱於施工
此段工程由孫天發承攬費盡氣力始克完竣天發家
住北街門懸築路工程招牌遠近各處招徠工人甚多

文補

十

良莠不齊俄人惠奸究賊良民華官往往不得過問

光緒三十年甲辰正月西曆一九零四年二月日俄兩
軍宣戰俄人以馬加羅夫為艦隊司令於三月一日抵

旅順擬將金州以西至旅順一帶居民悉行驅逐海中

其妻聞而諫曰往歲君在大黑河作戰曾將人民填河

金州城南毛家營子夏某時
在大黑河被俄軍驅逐河中

雖獲一勝却陷害無數生

靈未邀獎功徒遺臭名今者俄日戰爭華人何罪君若

狃於前役多殺無辜非仁者之師為世界輿論所不直

不可再蹈前轍剴切直言力阻其謀未幾該將出港巡

弋於旅順口外被日軍埋伏水雷轟炸殞命陰謀未逞

旅大人民免於浩劫亦云幸矣馬加羅夫性殘忍眇一目人呼之曰獨眼將軍

光緒甲辰日俄兩軍在金州城南山酣戰之際日軍泊巨艦於西海岸砲轟城南山俄軍潰奔旅順沿村劫奪此艦非他乃甲午中日戰時我國著名之定遠鐵甲艦也日人取之以攻俄人噫旅順海防修之累年非不固若金湯也以守非其人反以資敵敵用之肆虐吾土然則世之為唯武器論者可以休矣

隋薊九大令名汝齡金州城北隋家溝人清道光乙酉科拔貢官江蘇贛榆縣知縣十二年每夕燃燭著述燭

文補

十一

盡始寢著有遼海志略若干卷卒於官贛人挽之云十二年遼海志成大有文章著史筆三千里家鄉路遠空教父老哭青天稿本展轉售諸大連滿鐵圖書館藏於善本書室民國三十四年公元一九四五年八月十五日光復後蘇聯駐軍旅大將該館所藏善本書籍以及地方史料一併携歸莫斯科善本書聞有七種中有宗刊說苑淮南子遼海志略稿本遼海志略外間無印本辛未夏金州耆舊議修縣志余隨閩獻廷孝廉鄭心源茂才託日人岩間德也介紹至該館借閱善本書不出戶只在閱覽室中將其有關地方史者抄錄以歸是日

車行遇丙孝廉有詩云乘興輕舟載雨行連濱縹緲接蓬瀛願將一邑留真錄豈為千秋博盛名人物至今誰健在山川終古是多情董狐已邈溫公逝回首滄桑百感生宋刊說苑淮南子余在松崎鶴雄處見之說苑尤為精美往歲上海涵芬樓影印四部叢刊其中說苑係明人抄本欲覓宋槧不可得足見此書珍貴今則流入異域合浦還珠思縈夢寐

一九三五年乙亥四月余隨鄭心源茂才赴旅順博物館考察文史資料便訪鮑君紹武詢問光緒甲午中日戰時日軍屠殺旅順居民情形鮑君太息曰當年十月

文補

十二

二十四日風雨夜日軍入旅順沿戶搜殺婦嬰不免歷三晝夜始止屍體隨處掩埋翌春乙未二月日軍令其組織扛屍隊將所瘞屍體抬至陽花溝焚之當時除有家人領屍安葬者千餘外被焚屍體實為一萬八千三百餘骨灰以柳木棺三口盛之叢葬於白玉山東麓樹以木揭題曰清國軍人戰亡碑並延僧諷經以掩世人耳目秋九月日軍開始撤退十一月初六日毅軍復駐旅順重葺墓垣築室三楹刻石萬忠墓以奠幽靈提調顧元勳記於碑陰於死難人數又不相符鮑君身歷其境言足徵信甲辰日俄戰後日軍復占旅順屢擬拆毀

此墓華人力爭得免茂才歸途有詩云憶從軍港北洋
修三十年前此地遊考古新來博物館窺園幾遍太陽
溝井存山麓銘功在塔轟雲霄戰迹留滿眼風光看不
盡一聲汽笛又金州詩雖未能明言訪鮑君事而其胸
中却有無限感觸焉蓋旅大地區久在日人統治之下
此時東三省又為日軍侵佔成立偽滿政府置大使館
於長春陰執滿洲軍民政權大使館內設關東局遙轄
旅大行政關東州廳長官稟承關東局指揮華人若在
文字言語上微涉觸忌則加以反滿抗日罪名繫身囚
圜人命輕於草矣余根據鮑君所言曾將日軍屠殺旅

文補

十三

順事實詳記始末載在文獻卷三以告國人茲復撿拾
遺漏補述於此

旅大文獻徵存補遺

